



Universitätsbibliothek Paderborn

**Floremundi Raemundi V. Cl. Olim Consiliarii Regis
Galliarvm Ex Calviniano Catholici Synopsis Omnia hujus
temporis Controversiarum tam inter Lutheranos,
Calvinistas quam alios plurimos. Sive Historia ...**

**Raemond, Florimond de
Coloniae Agrippinae, 1655**

caput sextum. De ministris, eorum nominis origine, receptione, & officio.

urn:nbn:de:hbz:466:1-10880

etorij ad S. Frontonem, Sanctones ad S. Europium, Turones ad S. Julianum, Cemonanenses ad S. Julianum, Bellouacenses ad S. Lucianum, Senones ad SS. Potentianum & Sabinianum, Augustodunenses ad S. Andechium, Aginnenses ad S. Firmianum (qui & Ambianensis postea fuit Episcopus) per continuam successionem te deducet. (1) Sic Tertullianus hæreticos sui temporis alloquitur. Edant, inquit, origines ecclesiæ suarum: euoluunt ordinem episcoporum suorum, ita per successionem ab initio decurrentem ut primus ille episcopus aliquem ex Apostolo vel Apostolicis viris, qui tamen cum Apostolis perseveraverit, habuerit auctorem & antecessorem. Quæ vñica probatio ad tuendam veteram nostram possessionem sufficiens est; vt & defectus illæ continua successionalis, quæ nouella Ecclesia apud se reperiri negare non potest, satis demonstrat, nouam illâ esse doctrinam, ac proinde fallam Beza antecessorem Caluinum, hic socium nobis Farellum monstrabit. En tibi rotam seriem. Sed ô miseram successionem, quæ ad tertium gradum non pertingit! At quemadmodum Deus ipsis diabolis quandoque ad ea quæ vult ministris vtitur, faciat non raro ab ipsorum hæreticorum ore exprimit veritatem. Cuiusrei notabilem en tibi historiam, qua & caput hoc concludam.

VII. Homo quidam honesta familia apud Mediomatrices ortus, hærefoe abreptus torrente, ad Miasiterium fuerat adscriptus, & in Germaniam missus: quod ille officium aliquamdiu exercuit, ac quidem in Helvetia eo tempore quo Henricus IV. Galliarum rex, repetito Salassiorum Marchionatu & non reditu, bellum Sabaudio intulit. Hominis huius operam quum Sillerius, vir tam litteris quam multarum rerum experientia ac prudenter instruictissimus, commodam sibi atque utilem fore existimaret. Geneuam eum misit: quo ille profectus, Bezam, apud quem diuerterat, pro more suo ad populum phæleras iacentem, diligenter audiebat. Quodam die quum Beza textum ex cap. Act. Apostolorum de S Stephano explicaret, & Catholicæ Ecclesiæ latifundia cum parui sui regis, ut eum in Præfatione Psalmodiæ Beza-Marcotice appellat, angusta corte compararet, tandem ad Apostolorum successionem delapsus, inquit: Quod si aduersarii regent, ubi sit apud nos illa successio & S. Petri sedes? Mittamus omnino hanc questionem, quum negare non possimus, personalem hanc successionem velut, de manu in manum traditam penes Papistas esse. Paulo post ad Bezam reuertitur Minister ille, vt

& alij pensionarij. Ecquid noui haberet rogatus? Mirabile quid, inquit ille. Tum Beza. Quidnam aut à quo? Tum ille. Cerè à te ipso domine. Dixisse enim Apostolicam successionem penes Papistas esse, inde à S. Petro ad hec usque tempora continuato ordine. Quod si ita est ergo nos jumus schismatici. Ibi Beza. Habent illi, inquit, successionem personalem, nos vero doctrina. Quomodo vero, aiebat Minister, personalis successio à doctrina separari posse? ubi ergo illa capita sunt in quibus hec doctrina residet? quinam illi erunt Pastores ad omne legitime vocati? Tandem abrupo sermone, ne circumstantes offenderentur, bonus ille vir probe omnibus trutinatis ad Sillerium reuersus, animi sui scrupulum ei exposuit, Lutetiamque primum ad Pontificis Legatum Cardinalem Florentinum, ac demum Anno M. DC. Romam profectus, à S. D.N. Clemente VIII. Pontifice, cum septuaginta sex alijs, ad Catholicæ Ecclesiæ communionem receptus fuit, tandem vero in Vasconiam venit, quod patrium solum ei interdictum esset: qui mihi ipse conuersationis suæ, cuius prima fundamenta ipse Beza iecerat, historiam narravit.

DE MINISTRIS, EORUM NO- MINIS ORIGINE, RECEPCIONE, & OFFICIO.

C A P V T VI.

A R G U M E N T U M.

- I. Caluinus missus Episcopi nomine, Ministri nomen retinuit.
 - II. Nominis eius origo.
 - III. Verba Beza ad Lansaci toparcham.
 - IV. Caluinistica Ecclesia nullos agnoscit Doctores.
 - V. De Ministris: quorum officium in veteri Ecclesia fuit famulari, in noua, regere ac gubernare.
 - VI. Quomodo Ministri recipiantur, nefas est eis Latinum textum allegare, eorumque ars præcipua, Institutio, Salarium.
 - VII. Quo loco monachi excucullati apud Calvinistas habeantur.
 - VIII. De manuum impositione.
- I. **E** Quidem quando mecum considero, quod nouæ ille Ecclesiæ architectus, repudiato
Rr 2 Episcopi
1 Vide Galliam Christianam.

Episcopi nomine, tautis sordibus illo quidem indigno, vili & abiecto Ministri titulo insigniti voluerit, non possum quin cum Genebrardo exaltem, id certo Spiritus S. cōsilio factum esse, quum nomen illud in religionis materia infame sit, vel certe contemibile & abiectum. In sacrificiis enim Ministri dicebantur, qui victimam immolandam ad aram ducebant, mactabant ac dissecabant. Hinc Virgilius,

— ceciditq; inter moribunda Ministros,

de bou loquens, quæ antequam mactaretur, peste extincta conciderat. Quamuis etiam nomen hoc generale sit. Dicimus enim etiam Ministros qui circa Reges ac Principes sunt, ad accipienda mandata. Ministri vero Ecclesiæ apud Catholicos dicuntur, qui vel sacris ædibus, vel diuinis officiis serviant, vt æditui, & alij. In Sacra Scriptura iudas à Pontificibus & sacerdotibus Ministros accepisse dicitur (*a*) quorum opera in comprehendendo D. N. Iesu Christo vteretur. Quid multis? Nouum sane est, & Ecclesiæ Maiestate indignum, nomen hoc ijs attribui qui Verbum Dei annunciant, & sacrofanta Sacraenta administrant. Neque enim apud Ethnicos solum, vt iam dixi, verū etiā in SS. literis (*b*) nomen hoc in deteriorē fere partē accipitur, vt apud SS. Evangelistas & alios videre est.

II. Quemadmodum verò alias sèpe in hominum vita multa fortuito accidere videntur: ita hoc quoque Ministerorum nomen casu potius quam certo consilio à Calvinio nōi sui Euangeli præconibus tribucum fuit, supra diximus, Calvinum quum apud Pictonas esset, tres præcipue selegisse quoscumquā Apostolos ad novum Euangeliū dissemibandūm huc illuc mitteret, nempe Verronium, Bonum hominem, & Ramastrarium sive Confarcinacrem. Ex his Bonus homo Minister vulgo dicebatur, eo quod in Ministeria (nomen est certi loci vel Collegij in Academia) Jurisprudentiæ tyronibus Institutiones Iuris prælegisset atque explicasset. Id nomen non solum ei deinceps quoque per Galliam discursauit, & Calvini Euangeliū prædicanti mansit, sed alijs etiam similis farina hominibus, idem munus obeuntibus tributum fuit: ut vulgo dicerentur, Messieurs les Ministres, id est, Domini Ministri, quæ domina ut neutiquam inter se congruat, ita vox illa Minister nec Græcis nec Latinis umquam in ea significatio ne usurpatam fuit. Hinc ijdem postea Pastores dici voluerunt (quod tamen Calvinus numquam fecit) Protestantium sive Lutherorum exemplo, qui

itidem repudiato Episcoporum nomine, Superintendentiam nomen sibi sumpererunt. Quamuis autem palliati hi Ministri vili nomine gaudent, nihilominus tamen Episcopale munus & honorem sibi arrogant, vt Balæi, Vadiani, Hofmeisteri, & aliorum patet exemplo. Illud vero ridiculum ac minime ferendum est, quod à ferula plerumque & iis inter Grammaticos subsellijs eiusmodi homines ad tantum munus euhuntur, vel ipsi potius enuntur.

III. Lansaci dominus piæ memorie, Eques honоратissimus, narravit aliquando mihi, se quum ex Legatione quadam reverteretur, per Genevam curiositate quadam iter habuisse. Ibi Beza Calvini successorem ad se venisse, hac præfatione vsum, Adesse pauporem Geneuensem Episcopum, salutandi ipsius, & obsequia sua deferendi causa. Tum Lansacus, Quidem promotori, inquit, animo hoc tuum officium accepturus & in complexum ultro ruiturum sim, si similis esses eius qui sedem hanc antehac obtinuit, nimirum ab eo qui uniuersæ Ecclesia præsidet missis: nisi prædecessores illi tui hac tibi sede ultro cesserint: quod mihi non sit verisimile. Tum Beza, illi, inquit, à Papa, ego à Deo ordinatus sum. Post multa utrumque super hac re communata verba, Lansacus rogauit, cur seruile illud Ministerium nomen sibi sumissent. Ad quod Beza nihil aliud respondit, quam, non se primum Reformationis fuisse auctorem, sed descriptam ab alijs formam sequutum esse. Non esse ambitiosos illos titulos affectandos, modores ipsa adsit. Honestum esse Ministeriorum nomen, & muneri quo fungantur conveniens. Idem tamen in Commentariis suis super Matthæum, (*c*) fatetur Ministri nomen esse ambiguum. Et vbi Diaconorum Ecclesiæ fit mentio, ait, Maluisse se Diaconos Græca voce, quum Ministros appellare. Idem tamen ambiguum nomen (d) cœcitatorem! etiam Pastoribus suis tribuere non dubitarunt, Episcoporum interim titulum tanta ambitione affectantibus, Beza certè ipse ita appellari gaudebat, (*d*) vt manifestum est ex illa epistola quam Petrus Patrocælius in Possiaceno Colloquio ad Beza scripsit, in qua Archiepiscopi titulum ei tribuere non veretur. Vidisti hastenus, lector, aliqua ex parte Aristocraticam Calvianæ ecclesiæ formam Quia vero eam prisca illi Apostolicæ conformem esse iactant, age porro an villa

a Ioan. 18 b Matt. 5. & 25. Luc. 12. Mar. 14. c cap. 5
d Espençam Apol. l. 3. c. 11.

villa eius in omni Antiquitate vestigia apparet
videamus.

IV. Officia Ecclesiastica apud Calvinianos tripartita fere sunt, Ministrorum, Seniorum, & Diaconorum. (e) Quibus apud Geneenses quartus ordo fuit additus, nempe Doctorum: quia tamen vna cum doctrina iam pene euauit, nisi forte iniusti biles illos facere velis Ordinario certe loco olim ipsis designato, iam moti sunt. Atq; ò Calvinistæ, si vestra ecclesia exemplum à primiua illa sumere voluistis, Doctorū sanc nomen & munus tollere non debuistis, qui omni tempore in Ecclesia fuerunt, vt innocentius Papæ testatur. Quin etiam ipse D. Paulus Apostolus inter diueras functiones à Deo in Ecclesia institutas Pastores & Doctores nominat. Non ego tamen Doctorum munus non omnibus in locis, sed in quibusdam tantum Ecclesijs notum atque virtutum fuisse, illis simirum, vbi antea vel Iudei synagogas, vel pagani scholas suas & litterarum gymnasia habuerant. Ecclesiastica Historia Alexandrina Scholæ mentionem facit, post S. Marci Euangeliæ tempora instituz; vt & Doctorum in ea, Clementis, Origenis, & aliorum: nec non Cæsareanæ, cuius S. Basilius & Gregorius Nazianzenus alumni fuerunt: itemque Antiochenæ & Ephesinæ. Europalates Græcus Auctor, vbi de Constantinopolina Ecclesiæ Officiarijs scribit, SS. litterarū Doctores eis adcesser. Est vero hac inter Pastores & Doctores differētia. Illi Ecclesijs, hi Scholis præsunt. Illi Theologiam practicam, hi theoricam & Scholasticam profitentur. Pastorum munus est Theologiam in politia Ecclesiarum suarum in opus deducere; Doctorum, explicare & docere. Illi Sacra menta administrant & animarum curam gerunt; hi Theologiae arcana rimantur. En vobis antiquæ ac primiuitæ illius Ecclesiæ politiam atque ordinem, vestra omnino dissimilem: quæ nihil ex illis priscæ Ecclesiæ exercitijs retinere voluit, eo. vt Lunnarius loquitur, quod Ministri vestri diabolo nequam aduersantur.

V. Sed porro videamus, quam misere Calviniani omnia confundant. Ministri concionibus ad populum habendis vacant, administrant Sacramenta, & summam in Ecclesia habent auctoritatem ac potestatem. Sed vt nulla vnoquam inter haereticos ac schismaticos in doctrina fuit concordia; sic ijdem quantum ad Ministrorum nomine ac munus, immanc quantum iuster se dissident. Germani enim eos qui Ministerij funguntur munere, Pfarr;

herum appellant, id est, Pastores: alios Superintendentes, qui vmbram quandam Episcopalis dignitatis retinent: qui tamen apud Gallos & Helvetios nullo alio, quam Ministrorum, nomine censentur. Idem à Valdensibus olim, quorum nonnullæ adhuc existant reliquæ, Barbi appellati sunt (f) Angli vero etiamnum suos Archiepiscopos, Episcopos & Pastores habent. Sed nobis de nostris tantum in Gallia Calvinistis sermo erit: qui Ministri Euangelij dici volunt. At ò boni, in primiuita Ecclesia Ministri fuerunt, qui vilia tantum (etsi in Ecclesia nihil vile censeri debet) vel simplicia ministeria obibant; apud vos vero illi vestri Ministri aliorum sunt Domini, & sub seruitutis nomine imperant alijs, missaque titulo, pédum nihilominus retinent, & imperium in alios exerceant. Sed qui Ministros nobismelius describat qdā Cayerus, inuenio neminem, vt qui tamdiu apud Calvinistas Ministri munus obierit, magnoq; in precio ob extimias animi dores fuerit. Tria, inquit, Ministrorum genera uniuersim reperio. Primum est eorum, qui omnibus animi viribus in litterarum studia incumbunt; eos quonihil fere aliud curant aut expetunt quam librorum copiam. Secundum genus est eorum qui in litterarum studijs non tam anxie, versantur, sed magis rei faciunda ac familia aliquando laetus alende inuigilant. Tertio sunt illi aserrimi disciplina exactiores, qui cælum terra miscent, neque vñquam quiescent, quibus etiam Gallia nostra omnes calamitates ac miseras quas hactenus passa est, & adhuc patitur, & porro patietur, nisi fibula illis ponatur, ne se omnibus rebus immisceant, acceptas debet. Hi magnarum domum sunt exploratores, impudenter se ingerentes, secreta omnia rimantes ac detegentes, ac dissidia inter familias accidentes atque alentes homines magna ex parte aut omnino indolli, aut semidotti. Hac Cayerus.

VI. Vbi quis inter Calvinianos Ministerij ambit munus (cuius spe plerumque iuuenes disertulos aut alia aliqua dote insignes inescant) sive vltro, sive ab alijs persuasus, in Consistorio, præsentibus Ministris & Senioribus (qui vt plurimum ex opificiis sunt numero, litteraturæ expertes) Proponeat aliquoties iubetur; tandem vero ad Colloquium admittitur. Sed inquis, quidnam rei est illud Proponere? Dicam. Datut ei caput aut verius, sicut aliquis ex Biblijs, ac plerumque argumenti facilis ac vulgati. Ibi ille super ea te sermonem vulgaris sermone habet, ac tantum quantum potest,

Rc 3 expli-

e Ord. Genev pag. 4. & 8. f Vid. Sot. cont. prole. Brevis & Cochl. in sept. Luth. cap. 45.

explicat, ceteris silentio defixis, nec quidquam contradicentibus. Illud vero studiose cauendum omnibus est, ne pro concione textum Latinum allegent; quum econtra apud Catholicos concionatorem memoriam suam S. Scripturæ auctoritatibus Latina lingua prius cirandis, deinde demum vernacula explicandis fatigare oporteat. At in nouella Ecclesia sat is est nescio quid disserere, cum S. Scripturæ dicta infideliter redditæ ac translata, eumularim citare, non editis sepe vel librorum vel Auctorum nominibus. Satis est illis si dicant: Sic Patrum vnu scripsit, sic sensit. Vix illus inter eos est Latinæ lingua, quam necessariam non esse autumant. vsus. Certe P. Viretus in Dialogis suis vix natam hanc Ecclesiam ignorantia arguit. Sed bene habet, quod in tantis eius angustijs interprete parum opus habent. At Catholica Ecclesia quum nulli alii quam Orientis & Occidentis, quam late Mundus patet, limitibus concludatur, ad conseruandam unitatem Latina lingua, ut pote omnibus fere Mundi nationibus nota, tamquam communiv vinculo vtritur. Sed ad nostros Ministerij candidatos redeamus: quotum quis sacro-sanctum Missæ sacrificium quam maxime traducere ac blasphemare nouit, ad id munus aptissimum iudicatur. Sed & contra Papam ac totum ordinem Ecclesiasticum linguam acuere, & in omni sermone Romanum Antichristum intonare debet. Hoc qui facere, tum cum externo aliquo lepore Christi ac Domini nomea usurpare nōrit, satis superque ad id munus obeyendum instructus existimat. Meminime ex hoc genere quedam in Burdigalenſi suburbio ad Catholusianos concionantem audiuisse, qui sermonem suum ita erat expressus: Magnus ille serarius (Papam intelligebat) in diaboli culina nutritus ac saginatus, &c. Hic fratres omnes applaudere, suspirare, hominisque mirabilem eloquentiam ad cœlum laudibus efferre, ab ore eius denique velut alterius Periclis tonantis ac fulgurantis pendere. Vbi hoc modo candidatus ille, sine accuratori examine, ingenij ac doctrinæ sua dedit specimen; is qui tum cœtui præst, collectis suffragijs, cum introducit, & vel errorem demonstrat, vel si placuit, laudat. Inde dextram societas ei porrigit, ut & reliqui, non minus miser quam ridiculo errore, ut qui ex signo amicitiae & ciuitatis, de quo S. Paulus loquitur (2), religionis signum faciant. Et hæc quidem egregia illa est manuum impositio, inter Caluinistas vñigata. Antequam vero ad Ministerium re-

cipiatur, necesse est ut Ecclesia alicuius petitio interueniat; ad quam ille mox proficiatur; quod si populo placuerit, tres aut quatuor Ministri conueniunt, cumque ut fratrem & socium accipiunt, & ad Ministerium admittunt, non tamen prius quam Formula fidei subscripterit. Hæc enim verum est fundamentum Caluinisticæ doctrinæ, hæc S. Scriptura est Caluinistarum. His peractis, ille ad Ecclesiam à qua experient fuerat, vel quam Minister destitutum nouerint, se confert. Nonnumquam etiam à Ministeriorum aliquo ad destinatum locum perducitur: qui concione habita, populo noui illius Ministri electionem significat: qui ut plurimum ad menses aliquot quibus de eo periculum faciat, eum accipit, ut apud nos pueri & equisces acquisescat. huius vel illius Ecclesia Minister esse, secus (d) misericordiam conditionem: faciliere iubetur. Qui tamen in provinciali Synodo recepti sunt, à populo exclusi non possunt, ut illi qui in Colloquio, ut vocant, fuerunt admissi. Sed hi plerumque ad alios qui minus teretes ac delicatas aures habent mittuntur.

Ad mercedem Ministeriorum quod attinet, ea vivitum colligitur, actenuis fere est, pro cuiusque regionis vel Ecclesiæ qualitate. Anno M D LIX. quo ingens eiusmodi hominum examen Geneua in Galliam irrupt, Copus quidam, qui Canonicus Cleriacensis fuerat, eius pater qui Rupellæ habitavit, flagitis casus, quod commentaria in Rabelesij libros scripsisset, publice dicere ausus est, Ministerorum esse, gratis seruire ac populo Verbum Dei annunciat. (Id quod Anabaptistæ faciunt) At Caluini, ut Cayerus scribit, longe alia mensa sententia erat, coque hominem in carcere compingi curauit, donec sententiam retractaret. Ac quamvis Geneuense Consistorium omnibus modis, etiam vi quodammodo hominem adigere conatur ut salarium seu mercedem acciperet, ille tamen præfracte facere id detrectauit. Idem Cayerus hoc lippis & rousoribus Genevæ notum esse dicit. Facile scilicet intelligebat Caluinus si Ministeris non alia merces quam lesuitis & Capucinis daretur, breui de toto suo Ministerio actum fore.

Quod si is qui Ministerium ambit, Monachus olim fuerit, plures aliquanto & accuriores ceremonias adhibentur. Aliunt enim exspectandum esse

g. Ad Galas. 1.

esse dum Monachismū ille suum bene concoquat & digerat. Suspecta illis semper est Religiosorum conversio. Et quemadmodum in Catholica Ecclesia sacerdotali charactere insigniti homines non nisi multis cum ceremonijs, habitu & ordinis admbris characteribus, degradantur. & Judici sacerdiali traduntur; sic monachi ac Religiosi a Ministeris operose admodum excucullantur, & difficulter ad Ministerij societatem cooptantur. Si hoc aliquando publice pro concione, aliquando in Consistorio privatum: ubi habitus religiosus ei detrahitur, non sine execratione eius a quo primum eo induitus fuerat: pedibusque conculcatur, aut laceratur. Frugaliores tamen nonnulli sunt, qui ut est in Apostatarum Fragello) vestem illam gravior aliquo colore tintam asservant, ut ex ea vel uxori cycladem, vel infantibus tuniculas faciant. Ad ministerium recepto, vel etiam ante, statim uxor queritur, ut hoc velut trabali clavo affixus, omoeum ad Catholicam Ecclesiam redundi amittat voluntatem. Sic quidam ad nos reversus, roganti mihi num uxorem haberet, Non, inquit, in quo summan Dei benignitatem in me agnosco. Si enim uxorem habuisssem, atulum de me fuisset. Nec vero mihi hoc videri debet, quam libidinis flamma in nullis vehementius fere at deat quam in iis qui ex claustrorum septis exsiliaverunt. Sic ut non spiritus, sed caro illius separatis seu apostasiæ causa sit. Idque iude etiam manifestum est, quod vix seputata una uxore statim aliam ambiunt. & sic à tumultu unus o nuptiale alter iustorum uno velar saltu se immittunt. Quod si quis circulli sui & voræ olim pudicitriæ memor non ita facilem se ad appetitas praebat omnium voculis intessitur ac vexatur quotidie, producta memorabilis hac sententia, quam aiuntè divino Lutheri ore fuisse prolatam: Eum scilicet qui uxorem non habeat, pie vivere non posse. Quasi vero non multa Christianorum sufficiunt millia, qui castitatem suam inviolabilem conservarunt quales etiam in Judaismo, minus sane quam Christianismus perfecto, Heliae, Helisei, Esiae, & alij fuerunt, qui continentissime semper castissimeque vixerunt. Quæritur ergo, inquam Ministerij candidato uxor, atque etiam in uito pæne obtruditur, ut tanto tenacius schismati adhærescat. Quia etiam uxorem non habere, peccatum putatur. Et ut Solon olim Miletum ut Thalerem videret profectus, illud vehementer admiratus est quod non quam uxor eduxisset. Sic Beza idē Jacobo Sturmio, homini Lutheri patrib⁹ uice addicto

probro quasi dat. Postquam enim multa in eo hominice commendaſſer, tandem addit, Nihil ei exprobri potuisse, quam quod a nuptijs semper abhoruerit. O ingens probrum, etiam hominum immutum turbæ virginitatem illas seruate! Atque hoc illud est, in quo omnes ferre schismatici at hæretici conveniunt. Quis enim vñquā videt librum ē Lutheranorum, Calvinistarum, Zwingianorum aut Anabaptistarum officina progressum, in quo continentia, castitas, viduitas, aut Virginitas laudetur ac suadeatur; quales multi à Terralliano, S. Augustino, S. Chrysostomo & alijs scripti sunt, & etiamnum manibus nostris teruntur? Eſtergo coniugium instar tenacissimi glutinis, quo miseri illi clauſtrorum desertores retinentur ne vbi iam ex tatis ille calor deferibuit, etiam agatum errorē emendare, & ad Ecclesiæ gremium recipere se possint. Memini nuper me alii quem ex hoc hominē genere sic loquentes audiuisse: Quid ego misera hac uxorem iuhoito balsicas decapitantem quid misella ista (tres infantes) dīgito demonstrans faciam? Quid his fieri ad Catholicam Ecclesiam ego rediero? Deum rogo ut mihi sit propitious. Equidem non ignoro extra Ecclesiam me esse. Sed nullum iam restat remedium. Necesse omnino est ut capra quo alligata est loco pascatur. Hæc quidem ille ita loquutus est. Quam multi sunt qui nihil magis quam Catholicam Ecclesiam redire desiderant, si modo ad penitentiam recipi possent? Anno MDC qui Iubilæus fuit, Minister quidam Romam profectus, suo & quinque aliorum nomine veniam a Pontifice petiit, utque repudiatis uxoriis, in ſeculo ſibi viuere liceret. Sed Pontifex id nequaquam permittere voluit. Calvinistis quidem excucullati illi monachi adeo suspecti sunt, ut nemo qui Religiosus aliquando fuerit, Nationali synodo praesidiere posset. Vidisti haſtenus quam nullis aut paucis cum ceremonijs Ministri illi constituantur. Sed quid quod ſapere sine villa missione, vocatione, propositione, receptione, nonnulli propria auctoritate suggestum conſcendent, ac docendi ac concionandi uia usurpant? Certe id quide in aſteha non ſemel factum. Quiloci dominus est, si apens ad id munus fuerit vel etiam apium ſe eſſe existimariit, statim Doctoris officium ſibi ſumit, ac ſcholitos in fide instruit. ut multi in Gallia fecerūt.

VIII. Quid iam quæſo, vereris illius & primitiua Ecclesiæ ordinandi & consecrandi Episcopos ac ſacerdotes, conſuetudo ac ceremonia cum hiis ineptijs

inceptis commune habuerunt? Videamus saltim quid de Episcoporum consecratione priscus ille Gallorum Apostolus S. Dionysius tradat (b). Episcopum consecrandum ait in genua ante altare prosterne, SS. libros capiti eiusimum, ac deinde à consecrante precibus re peractis, manum imponi, Sacerdosibus consecrandis itidem manus quoque ab Episcopo imponi: Diaconos vero uno tantum genu terra innixos consecrationem accipere: tum singulis crucis characterem impri mi, & ad omnes istas ceremonias Chrisma adhiberi. Et hic quidem tam Episcopos quam sacerdotes consecrandi vetus mos est, qui etiamnum in Catholica Ecclesia diligenter obseruatur. Hic illle Episcopus est, qui gregem suum tanquam Imperatore exercitum præcedens, à S. Hieronymo (a) representatur. Vbi vero in Caluini est Ecclesia manuum illa impositio ab Apostolis eorumque successoribus usurpatas? Cuius formam Optatus describit, vna cum benedictione Episcopali, Adiutorium nostrum in nomine Domini. Mirum vero, ceremoniam hanc à Caluinistis sic plane explosam esse, (c) quum Melanchthon in Locis suis Communibus Ordinem Sacramentis adnumeret. Victoriae Cayerum audiamus. Nulla alia, inquit, manuum impositio apud ipsos usitata est, quamuis scriptis suis alter proficeantur. Evidem illud vere affirmare possum, meo solius Consilio factum esse, ut ceremonia hac aliquo modo obseruata sit, dum ipsis demonstriaui, sine hac plenisque visum iri, nullum esse inter ipsis verum Ministrorum: quia tamen in Genevensis Ecclesiæ Ordinatione à Caluino (c) plane est abolita; eo quod, ut homines isti dicunt, superiorum temporum ceremoniæ in superstitiones transferunt. Idem tamen Caluinus alibi concedit, Manum impositionem in veru & legitimu Ordinationibus esse Sacramentum. Eam certe Donatistæ olim quamvis schismatici, diligenter retinuerunt, ut apud S. Augustinum videtur est (d): ut & Lutherani hodie, qui etiamnum ea vtuntur, adeoque eam à Catholicis Episcopis expetere voluerunt, suorum scilicet vitium ac defectum agnoscentes, ut manifestum sit Acta & Colloquia inter ipsos habita legenti.

DE MINISTRORVM, SENIORUM, & Diaconorum officijs, de Synodis & Colloquijs, eorumque omnium, multiplicitabuſu.

CAPIT VII.

ARGUMENTVM.

- I. Abusus circa Ministrorum missionem seu distributionem.
- II. Ministeria facile permutanda.
- III. Minister quandoque à plebe elegitur atque accipitur.
- IV. De Senioribus, & Superintendantibus.
- V. De Diaconis & Corycass.
- VI. De Colloquijs, & synodis, & ratione quam in historia Ecclesiarum suarum conscienda seruant.
- I. Quidam Pastor & Grex ita inter se Relata sunt, ut alterum sine altero esse non possit; apud nos tamen istos Evangelicos Pastores sine grege repertuntur: idemque ex uno loco proficiunt, totas provincias peruanuntur, perfugium sibi & quæ ad vitam necessaria sunt magis quam ariarum latorem querentes. Quin & Germania tum Geneua præcipue Ministros in Galliam nostram sturnatim aduolitantes vidimus, quamvis ad certam non essent destinati Ecclesiam, nihilominus tamen idem, si modo simplicem à quocumque attestationem, vel etiam nullam omnino attulissent, ab ea quæ prima vacabat Ecclesia recipiebantur, sic ut nonnumquam duo vel tres, pudendo sane abusu, vni præsiderent. Atqui in Catholica Ecclesia id nequaquam permititur, in qua semper unus gregis unus pastor fuit. Quam vero confusione æqualis illa Ministrorum pluralitas, & pluralis æqualitas pariat, inde patet, quod idem munus illud suum inter se dispartiri coacti sunt, dum hic illa, alter altera septimana præsider, conciones ad populum haber, & alia ad Consistorium

pertinet.
h Dion. cap. 9. Cœl. Hier. Concil. Nice. can. 4. dist. 94. a Ad Euagr. ep. 85. b Lahat. derit. Eccles. Tigur. c Fol 7. d Cont. Cræsc. lib. 3. cap. 21. Vid. lib. de commyſt. Euang.